

公開組

冠軍

【蝶戀花】盧活為

做虐殘寒猶未去△ 休道春回△ 驀地飛淒
雨△ 弱蕊早花先惹妒△ 亂紅寂寞隨塵
土△ 帳望京華烟水路△ 嶺疊雲
橫△ 奮翅應難渡△ 最是聲聲啼杜宇△ 銷
魂又作天涯旅△

亞軍

【蝶戀花·元朗市鎮公園烏塔北眺】

王忠義

屐破苔痕穿小徑△ 筋力猶堪△ 步上招提
境△ 極目平川開萬井△ 清歌獨立滄波
靜△ 久在樊籠誰夢醒△ 羣雀爭
枝△ 得失錙銖稱△ 風雨終朝今乍定△ 亂
雲歸去千山暝△

季軍

【蝶戀花·烟花夜有霧】招念灼

火樹銀花如雨墜△ 滿眼飛星△ 劃得長空
碎△ 薄霧輕紗籠碧翠△ 迷濛隱約烟硝
裏△ 夾岸喧騰痴又醉△ 點綴昇
平△ 沉值迎新歲△ 馬似游龍車似水△ 人
潮散亂爭歸去△

優異獎

(排名按姓氏筆畫序)

【蝶戀花】朱漫菴

璀璨韶華回大地△ 姹紫嬌紅。競放清香
氣△ 樓外園林橋下水△ 當時曾滴相思
淚△ 一片春光千萬里△ 芳草斜
陽。往事猶堪記△ 借問知心能有幾△ 雙
雙蝴蝶花間戲△

【蝶戀花·暮春登太平山】黃應統

一纜牽車山上去△ 鵲喚鶯啼。報道春將
暮△ 處處飛花紅滿路△ 含苞欲放英雄
樹△ 徙倚亭臺空北顧△ 霧鎖煙
迷。莫辨晴和雨△ 下瞰層樓千萬戶△ 百
年不變繁華土△

【蝶戀花】葉蘭英

紅杏漸開春漸暮△ 芳草萋萋。綠滿天涯
路△ 絮亂花飛風不住△ 飄零書劍知何
處△ 聚散萍踪誰作主△ 水遠山
長。相見渾無據△ 客裏流年悲暗度△ 惱
人最是絲絲雨△

【蝶戀花】戴若薇

樓上飛花敲繡戶△ 又捲珠簾。燕子歸來
否△ 脈脈遙看帆影渡△ 綠波灩灩生南
浦△ 幾度操琴添雅譜△ 流水高
山。贏得知音顧△ 曲未終時人已去△ 相
思暗繫斜陽樹△

【蝶戀花·白牡丹】戴寶蓮

綃袂亭亭初著露△ 冰雪精神。麗質原天
賦△ 羣玉山頭增媚嫵△ 溶溶月色婆娑
舞△ 瑤圃瓊林香乍吐△ 不住京
華。怕被緇塵污△ 絕艷從來風雨妒△ 開
時須把花幡護△

公開組

特別獎

(排名按姓氏筆畫序)

【蝶戀花·青山寺紀遊】王金成

雅集尋幽甘沐暑，拾級登高。細味韓公語，草閣涼亭偃古樹，遄飛逸興聯佳句。俯瞰清波消俗慮，寺踏青山。十里松濤處，水抱峯環煙萬縷，何堪北望長安路。

【蝶戀花·無題】李瑞熊

記得西樓聽雨宿，相對殘霄。共剪巴山燭，莫道江南春意足，回頭不見人如玉。燕去鴻來何太促，一任花飛。飛上欄杆曲，聞說天涯芳草綠，薄裙夢斷應難續。

【蝶戀花】黃嗣拔

艷粉嬌紅留幾許，枉嫁東風。飄蕩誰為主，惆悵殊鄉長寄旅，萍飄蓬轉難長聚。除却夢魂來復去，久客情懷。默默終無語，更惱啼鶻花底語，不如歸去歸何處。

【蝶戀花】劉鳳竹

一顆芳心何處寄，嶺上浮雲。魚逐輕波裏，忍見餘香飄滿地，悲秋豈獨詩人事。擾擾風塵猶未已，倦擁書山。且枕窗前睡，莫說紅顏無壯志，潔身怕惹傷時淚。

學生組

冠軍

【蝶戀花】

魏宇昌 香港大學

窗外寒燈愁薄霧△ 惆悵平生。總被多情
誤△ 蠟炬牀前灰寸許△ 風來影動驚飛
去△ 夢斷流鶯啼暗樹△ 無那韶
光。來了還相負△ 花落香殘無覓處△ 離
魂躑躅春歸路△

亞軍

【蝶戀花】

文啟斯 聖芳濟各書院

京洛未堪長客旅△ 蠻觸相爭。更感風塵
苦△ 幾度蒼天留我住△ 藍關霜雪明如
許△ 卻信盈虛終有數△ 載酒揚
鞭。一笑尋春去△ 踏盡人間飛絮路△ 微
酣繫馬垂楊處△

季軍

【蝶戀花】

吳國軒 宣道會陳瑞芝紀念中學

窗透微風驚玉柱△ 柳絮紛飛。零落梨花
雨△ 共赴天涯誰暗許△ 夢魂相繫知何
處△ 莫問黃泉爭可渡△ 獨駕輕
舟。漫溯蓬萊路△ 遺恨子規啼日暮△ 殘
紅似吐相思語△

學生組

優異獎

(排名按姓氏筆畫序)

【蝶戀花】

方釗 香港樹仁學院

執手魂銷愁不語。語託鮫綃。諾重毋輕負。葉瘦花黃秋漸暮。憑高目斷無鴻羽。欲弄秦箏消意緒。冰柱哀弦。一曲添愁苦。試問行雲何處去。良辰虛擲辜歡聚。

【蝶戀花·三峽工程】

王治威 東華三院陳兆民中學

渺渺瞿塘孤鶴唳。芳草悠悠。古木環山翠。雲雨霧濃花鈿墜。曉寒猶惜輕羅醉。石破丘摧江河滯。忽起鴻圖。橫斷波潮退。日暮依然風景異。此情此地無憑寄。

【蝶戀花·喇沙利道】

李潤滿 喇沙書院

七載鬢宮沾化雨。徑對獅山。夾道亭亭樹。魚木花繁邀蝶侶。翠華如蓋堪消暑。黃葉漫空秋共舞。歲盡枝零。美景憑誰賦。欲問履痕留幾許。未如今夕離情緒。

優異獎

(排名按姓氏筆畫序)

【蝶戀花·黃鶴樓】

陳定宇 香港城市理工學院

倦鳥歸棲江岸樹。靄靄紅霞。千里斜陽暮。流水連天波遠去。街燈暗淡黃昏路。黃鶴仙踪無覓處。客去樓空。無計留風住。獨立橋頭無伴侶。絲絲落寞誰傾訴。

特別獎

(排名按姓氏筆畫序)

【蝶戀花·重陽】

陳巍 拔萃男書院

誰道商音猶未住。薄霧濃雲。翻作斜風雨。露泣茺蘭煙織樹。秋光落索堪如許。葉滿長階枝滿路。日暮傷懷。忍復登高處。暗向句芒捎雁語。殷勤莫把花期誤。

【蝶戀花·冬夜懷故友】

黃淑玲 香港浸會學院

雨打紗窗驚漏短。葉落風寒。好夢難回轉。夜靜何堪人獨遣。濃霜冷月淒涼面。雁渺魚沉音訊斷。書被催成。翰墨難舒展。離別經年愁望眼。問君何日重歸返。

【蝶戀花】

黃志偉 香港大學

夕照愁腸心有淚。無那西風。又放顏憔悴。誰管鏡中花欲墜。思人獨為相思醉。一別經年猶百世。地北天南。自有傳書計。水竭陵夷終不悔。長生殿裏留盟誓。